

INUIT ATAQATIGIIT

Inatsisartuni



03.09.2018

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1) **Naalackersuisut kinguaaassiutitigut atonerluinernik akiuinissamut ataatsimoorussamik suliniuteqarnissami "Killiliisa"-mi allapput: "innuttaasunik kinguaassiutinik atonerluisarneq pillugu paasissutissiisarneq annertusarneqassaaq, siunnerfilerneqassaaq nukittorsarneqarlunilu". Suliassa qarfinni sorlerni suliniutissat taakkua aallartinneqarumaarpat, suliniutissallu suut, NAKUUSA-p Ullut Tamaasa saniatigut, pilersaarutaappat?**
- 2) **Suliniutit taakkua allat qanoq aningaasalerneqarniarpat qanorlu annertutigisumik?**
- 3) **Naalackersuisut "Killiliisa"-mi allapput: "kinguaaassiutitigut atonerluinermik pitsaaliuineq annertusarneqassaaq nukittorsarneqarlunilu" suliniutissanillu nukittorsaanissamut siunnersuutaasut arlallit saqqummiullugit. Suliassa qarfiit sorliit akimorlugit suleqatigiinnikkut nukittorsaanissaq annertusaanerlu Naalackersuisut pilersaarutigaat, qanorlu suliassa qarfinni ataasiakkaanin aningaasalerneqartigissappat?**
- 4) **Naalackersuisut "Killiliisa"-mi allapput "kinguaaassiutitigut innarliisarnerup pitsaaliorneqarnerani katsorsaanermullu oqartussaasoqarfiit assigiinnigitsunik suliallit suleqatigiittariaqarnerat nukittorsarneqassaaq". Isumaginninnermut suliassa qarfiup saniatigut, MANU-llu saniatigut, pitsaaliuiniarneq tamanna qanoq aningaasalerneqarpa?**
- 5) **Naalackersuisut peqqinnissaqarfiit politiillu inunnik kinguaaassiutitigut atonerlugaasimasunik misissuinermi suleqatigiinnerat nukittorsarneqassasoq. Peqqinnissaqarfimmut politiinullu tamassumunnga qanoq aningaasaliitigisoqarpa?**

INUIT ATAQATIGIIT

Inatsisartuni



- 6) Peqqinnissaqarfimmi inuusuttut 15-it inorlugit ukiulinnut kinguaassiutitigut tuniluuttunik nappaateqartoqartillugu aamma naartuersittoqarnerani iliuitsit annertusinissaannut qanoq aningaasaliitigisoqarpa?
- 7) Oqartussaasoqarfiit assigiinngitsunik suliallit akornanni pinerlutsaaliinermilu politiit, pinerluttunik isumaginnittoqarfiup, peqqinnissaqarfiup, isumaginnittoqarfiup il.il. akornanni suleqatigiinnerup qulaajaavigineqarnera Naalagaaffimmit Naalakkersuisuniillu qanoq aningaasalerneqarpa?
- 8) Eqqugaasut ilaquutaasullu siunnersorneqarluarnerunissaannut suliniuteqarnissaq Naalakkersuisut Inatsisinik atuutsitsinermut suliaasaqarfimmi periusissatut suliniutissatullu pilersaarutaanni qanoq pingaarnersiulluni tulleriiaarinermi inissisimava, tulleriiaarinerup allangortinnginnerani allangortinneratalu kingorna?
- 9) Suliassaqarfiup sorliup ataani eqqugaasut ilaquutaasullu katsorsagaanissamut periarfissaannik pilersitsinissaq pilersaarutaava, qanorlu aningaasalerneqassava?
- 10) Meeqqanik katsorsaajartorlutik angalasartoqatigiit ullumikkut qanoq aningaasalerneqartigisarpat Naalakkersuisullu siunissami qanoq aningaasaliitigisoqartariaqarnissaa nalilerpaat?
- 11) Kalaallit Nunaanni pinerluttulerninermi inatsisip aamma Kalaallit Nunaanni eqqartuussisarnermik inatsisip allangortinnera pillugu inatsisissatut siunnersuut qaqugu Inatsisartut oqaluuserissassaannut ikkuteqqinneqarnissaa Naalakkersuisut naatsorsuutigaat?
- 12) Naalakkersuisut "Killiliisa"-mi allapput suliniutit "nunaqqatigiikkaanut tulluarsarneqassasut". Ataatsimut suliniuteqarnissamut Naalakkersuisut kommuninik qanoq suleqateqassamaarpat?
- 13) "Killiliisa"-p oqaaqqissaarinerinnartut inisissimatikkumanagu inuiaqatigiinnili ataatsimoorussamik suliniutigineqarnissaa qulakkeerumallugu Naalakkersuisut innuttaasut qanoq tamakkiisumik peqataatinneqarnissaat qulakkeerniarpaat?
- 14) Peqqinnissaqarfimmut ilinniartitaanermullu suliaasaqarfimmut suliniutissanut siunnersuutaasunut; meeqqat atuarfianni atoqatigiinneq pillugu ilinniartitsinermut, suliaasatigut ilinniarsimasunik ilinniartitsinermut,

INUIT ATAQATIGIIT

Inatsisartuni



peqqinnissamik isumaginninneq siusissukkullu suliniutinik neqeroorutit nukittorsarnissaannut (MANU-p saniatigut) qanoq aningaasaliitigisoqarpa?

- 15) Inersimasunut meeqqanullu kanngutsaatsuliornermik pissusilersortartunut ikiorsiinissamut katsorsaanissamullu internetsikkullu suliniummut "Killiliisa"-mi taaneqartumut qanoq aningaasaliitigisoqarpa?**
- 16) Kanngutsaatsuliorsimasunut eqqaartuunneqarsimasunut katsorsagaanissamik neqeroorummut naalagaaffimmit qanoq aningaasaliitigisoqarnissaa naatsorsuutigineqarpa?**
- 17) Politiinit suliniutissanut suliassallu meeqqanillu kinguaassiutitigut atornerluinermit tunngasunik pingaarnersiutinissamut iliuseqarnissamullu naammattumik aningaasalerneqarnissaa Naalackersuisunit qanoq qulakkeerneqarniarpa?**

(Inatsisartuni ilaasortaq Sara Olsvig, Inuit Ataqatigiit)

Tunngavilersuut:

Inuit Ataqatigiinnit ataatsimut suliniuteqarnissamut periusissiap "Killiliisa"-p kiisami saqqummiunneqarnera aallartinneqarneralu nuannaarutigearput. Iluarisimaaqarput suliniuteqarniarnermi pingaarnertut tunngaviginiakkat ataatsimoorussamillu suleriaaseqarnissamik siunertaq Naalackersuisunit nutaanit nanginneqarmat. Pingaartilluinnarparput naqissusissallugu kinguaassiutitigut atornerluinerit akiornissaat inuiaqatigiit tamarmiusut innuttaasullu tamatta suliassarigipput, suliassaqarfiillu assigiinngitsut kommunillu Namminersorlutillu Oqartussat akimorlugit suliassaasoq.

Taamaamat pingaartilluinnarparput naalackersuisoqarfiit oqartussallu allat suliamut akuusut tamarmik suliassaminnik kivitsissasut kiisalu kivitsinissamut naammattumik aningaaliiffigineqassasut.

Maanna ataatsimoorussamik suliniuteqarnissaq "Killiliisa" suliniutissatullu siunnersuutit saqqummiunneqarsimalerput. Suliassaq annertoq suliniutinillu piviusunngortitsiniarneq minnerunngitsumillu piviusumik sunniuteqarnissaannik qulakkeerinninnissaq siunitsinniilerpoq. Nunamimi maani meeqqat inersimasullu tamarluinarmik atornerlugaanermik misigisaqannginnissaat angujumallugu maannakkut killiliisariaqarpugut.

Tamanna tunngavigalugu Naalackersuisut suliassanik qanoq pingaarnersiullutillu aningaasaliiniarnerat paasisaqarfigiumavarput.

Ullut suliffiusut qulit qaangiussimatinnagit akineqarsimanissarput naatsorsuutigaarput.